



Assi: Merete Lindstrøm

Imigassaq pillugu inatsit Meeqqat Ikiortigit politikerinit nutaanik suliniuteqartitserusuttoq

Politikki · juunip 17-at 2019 · 08:10 uannga: [Merete Lindstrøm](#) · Nutserisoq: [Connie Fontain](#)

Meeqqat Ikiortigit imigassaq pillugu inatsimmut sukangasumut sapaatip akunnerani matumani utertinneqartumut taarsiullugu qanoq pisoqarnissaanut akissuterserusuppoq.

Imigassaq pillugu inatsimmut sukaterissutigineqarsimasut marsimi 2018-imi ingerlalluaraluartut sisamangormat utertinneqarput.

Kalaallit Nunaanni Meeqqat Ikiortigit inatsisip sukangasup qasukkannginnerani sunniutigisaanik misissuinerit amigaatigai.

- Sukaterinerit nutaat atuunnerat sivikippallaarsoraarput, tamannalu sunniuteqarsimanersoq nalilissallu tunngavissaqarpallaanngilagut. Meeqqat Ikiortigit tungaaniit tamanna uggorisorujussuarput, Kalaallit Nunaanni Meeqqat Ikiortigimi siulersuisut siulittaasuat, Jonna Ketwa oqarpoq.

AAMMA ATUARUK [Nuummi imerniartarfiit sivisunerusumik ammasalernaviangillat](#)

Imigassaq pillugit inatsisit qasukkarnerata malitsigisaanik imerniartarfiit sapaatip akunnerata naanerani akunnermik ataatsimik sivisunerusumik imigassanik tuniniaasinnaalerpoq, pisiniarfiit ullormut akunnialunnik tuniniaanerusinnaalerput imigassallu toqqorterisariaarullutik. Jonna Ketwap imigassanik assersuinerit kisimiillutik ajornartorsiutinut aaqqiissutaasinnaanngitsut nassuerutigaa, imigassanullu inatsisip qasukkarneratigut politikerit qanoq oqariartuuteqarneranut tamanna tunnganerarpaa.

- Oqariartuutip namminermit qanoq naleqarnera ernumatigaarput, Jonna Ketwa oqarpoq.

AAMMA ATUARUK [Imigassaq pillugu inatsit sukannerpallaarunnaassaaq](#)



Politikerit qanoq maanna iliuuseqarniarpat?

Imigassap ajornartorsiutit pilersittagarpasui politikerit siunissami qanoq iliuuseqarfigineqarnissaannik takorluuineri, Meeqqat Ikiortigit amigaatigai.

- Taava qanoq pisoqarnissaa ernumatigilaartorujussuarput. Tamanna ukkatarisatta ilagaa. Inuusuttut akornanni imigassamik atornerluinerup pinaveersaartinnissaanut taava qanoq iliuuseqartoqarniarpa, Jonna Ketwa oqarpoq.

Taassuma imigassap qanoq Nunatsinni meeqqat inuusuttullu akornanni inuiaqatigiinni ajornartorsiuterpassuarnut akuutiginera eqqaavaa.

- Inuusuttorpassuit imigassartorsimallutik imminut toquttarput. Aamma nalunngilarput kinguaassiutitigit naapertuilluannngitsuliornerit atornerluinerillu ilaat inuusuttunit 18-it inorlugit ukiulinnit imigassartorsimasunit pinerliissutaasartut tamannalu ernumanartortaqartingaatsiarparput. Nakuusernerpassuit imigassartortoqarsimatillugu aamma pisarput, Jonna Ketwa oqarpoq.

Imigassartornermi periaaseq killissallu

Meeqqat Ikiortigit angajoqqaat meeqqaminnut imigassaq pillugu oqaloqatiginnittarnissaannut qaammarsaanissamik pilersaaruteqarpoq. Aammattaaq piimmatiginnittoqartarneranut qaammarsaanermut atatillugu imigassamut killiliisarnissamut sammisaqarnissamik suliaqarluni. Taamaakkaluartorli inuiaqatigiit, kattuffiit, angajoqqaat politikerillu ataatsimut akisussaaffeqartut, Jonna Ketwap naqissuserpaa politikerinullu kaammattuuteqarluni.

- Inuusuttunut qanoq imigassartortigisarnissamik, qanoq pissusilersortarnissamut imigassartorsimatillunilu suut killissaanerannut suullu mianersuutassaanerannut qaammarsaanermik pilersitsisoqartikkusupparput. Taamaalilluni ataatsimoorfiit ukkatarineqassapput, Jonna Ketwa oqarpoq.

AAMMA ATUARUK - [Inatsimmik sakkukillinissamut aalajangiinnginnermi eqqarsarluaqqaaritsi](#)



Imigassaq pillugu inatsit

Inatsit atuuttoq

Allannguutit



Imigassat pisiniarfinni nioqqutinit allanit avissaarsimatillugit assiaquteqartinneqassapput.

Imigassat pisiniarfinni assiaqusersorneqarnissaat atorunnaassaaq.



Pisiniarfinni imigassanik tuniniaanermut ammasarfiit tassaapput:

Ataas-tall.: 9-18
Arfinngorneq: 10-14
Sapaat: Imigassanik tuniniaaneq matoqassaaq

Ataasinggornermi arfininggornermilu ammasarfiit sivitsorneqassapput:

Ataas-arf.: 10-20
Sapaat: Imigassanik tuniniaaneq matoqassaaq



Inuusuttut 18-it inorlugit ukiullit angajoqqaaminnik angajoqqaatulluunniit sinniisumik peqateqaratik nal. 20-p kingorna saassaalliuteqartarfin-neeqqusaanngillat.

Inuusuttut 18-it inorlugit ukiullit angajoqqaaminnik angajoqqaatulluunniit sinniisumik peqateqaratik nal. 23-p tungaanut saassaalliuteqartarfinneeqqusaassapput.



Imigassat pillugit pilerisaarutit suulluunniit inerteqqutaapput.

Imigassat pillugit pilerisaaruteqartarnermut inerteqquteqarneq atorunnaarsinneqassaaq.



Allaaserinnittoq assiliartalersuisorlu:
Anton Gundersen Lihn



powered by
PIKTOCHART



Nutaarsiassanik pisartagaqarneq - KNR-imit emailikut nutaarsiassat

Ullaakkut nutaarsiassat

Ualikkut nutaarsiassat

Breaking news

CAPTCHA

Apeqquut una robot-iunnginnerit inuusutit qulakkiissavaa. Spam-eqanngissaq anguniarlugu.

Jeg er ikke en robot

reCAPTCHA

Email adressit

Postnormu